

ԹԱԳԱՎՈՐԱԿԱՆ ԻՇԽԱՆՈՒԹՅՈՒՆԸ ԱՐՇԱԿՈՒՆՅԱՑ ՀԱՅԱՍՏԱՆՈՒՄ

Ս. Մ. ԿՐԿՅԱՇԱՐՅԱՆ

Արշակունի թագավորների դերն ու ֆունկցիաները Հայաստանում որոշակիորեն տարրիքվել են նրանց նախորդած հարստության զահակալների իրավասություններից¹։ Այդ փոփոխությունները հիմնականում պայմանավորված են եղել երկրի արտադրողական ուժերի ընդհանուր զարգացման հիման վրա սոցիալ-տնտեսական առավել բարձր հասարակական հարաբերությունների առաջացումով, ինչպես նաև դաժան փորձություններից հետո Հայաստանում Արշակունյաց թագավորության հաստատման ռազմա-քաղաքական հանգամանքներով։

Արտաշես II-ից հետո մինչև Հայաստանում Արշակունիների թագավորության հաստատումն ընկած 80-ամյա ժամանակահատվածում վերջին Արտաշեսյանները և նրանց հաջորդած մյուս թագավորները, իրեն ժամանակի այս կամ այն առավել հզոր երկրի դրածո զահակալներ, չեն կարողացել ինքնուրույն ներքին և արտաքին քաղաքականություն վարել։ Նրանք ժամանակ անգամ չեն ունեցել այդ ուղղությամբ որևէ բան ձեռնարկելու, քանի որ իրար են հաջորդել գեղադիտակի արագությունով։ Այդ ոչ երկար ժամանակամիջոցում Հայաստանի զահին իր տիրոջը փոխել է շուրջ երկու տասնյակ անգամ։

Իրավիճակը արմատապես փոխվեց Տրդատ Արշակունու ժամանակ։ Վայելելով իր եղբոր՝ Պարսկաստանի արքա Վաղարշ I-ի բազմակողմանի աջակցությունը և հենվելով հայ-պարթևական միացյալ ռազմական ուժերի վրա, նա, տասնամյա դաժան մարտերից հետո, կարողացավ քայլ առ քայլ դուրս մղել Հայաստանից հռոմեական զորքերին և վերականգնել թագավորական իշխանության ամբողջ հեղինակությունն իր իսկ զենքով վերանվաճված երկրում։

Տրդատը հնարամտորեն օգտագործեց հայ-պարթևական ռազմա-քաղաքական հնարավորությունները հայկական զահին տիրանալու համար և կարողացավ զենքի ուժով պարտադրել Հռոմին ճանաչելու իրեն Հայաստանի թագավոր։ Դեռ ավելին. Տրդատի ռազմական հաջողությունների հետևանքը եղավ այն, որ նա արտակարգ շուքով ընդունվեց «հավերժական քաղաքում» և այնտեղից վերադարձավ պատիվներով ու պարգևներով ծանրաբեռն²։

Տրդատ I-ից բացի մեզ հայտնի չէ և ոչ մի հայ թագավոր, որի զահը հենված լիներ այնպիսի հաստատուն եռոտանու, ինչպիսին էր հայ ժողովրդի աջակցությունը, պարթևական արքունիքի հովանավորությունը և Հռոմի հավանությունը։ Այս հանգամանքներում զահի վրա իրեն ամուր զգացող Տրդատը մեծ վճռականությամբ ձեռնամուխ եղավ երկրի քայքայված տնտեսությունն ու պետականությունը վերականգնելու, ավերված քաղաքները վերաշինելու գործին։

Հայ մատենագրության մեջ մենք չենք հանդիպում այս Տրդատի ուղղակի հիշատակությանը, մինչդեռ հունա-հռոմեական հեղինակների երկերում սակավ չեն Տրդատ I-ին վերաբերող վկայությունները³։ Բացի այդ, Տրդատի մասին այնպիսի առաջնակարգ սկզբնաղբյուր կա, ինչպիսին է Գառնիի հունարեն արձանագրությունը⁴։ Արձանագրության առաջին հրատարակիչները (Ստ.

¹ Երվանդյան և Արտաշեսյան թագավորների մասին տե՛ս մեր հոդվածը՝ «Թագավորական իշխանությունը հին Հայաստանում», «Բանբեր Երևանի համալսարանի», 1969, № 3, էջ 158—167։

² Tacit., Annales, XV!, 24; C. Plin., Nat. Hist., XXX, 16; XXXIII, 54; Sueton., Nero, XIII.

³ Jos. Flav., Bell. Jud., VII, 249—251; Antiq., XX, 74; Tacit., Annal., XII, 51; XIII, 34—37, 40—41 և այլն; Plin., Nat. Hist., XXX, 16; XXXIII, 54; Dio Cass., LII, 20; LXII, 23 և այլն։

⁴ «Սովետական Հայաստան», 23 սեպտեմբերի, 1945։ Հ. Մանանդյան, Գառնիի հունարեն արձանագրությունը և Գառնիի հեթանոսական տաճարի կառուցման ժամանակը, Երևան, 1946։ Ա. Արրահամյան, Գառնիի հունարեն արձանագրությունը, «Էջմիածին», 1947, մարտ—ապրիլ։ Я. А. Манандян, Новые заметки о греческой надписи и языческом храме Гарни, ЗСУՀ ԳԱ «Տեղեկագիր» (հաս. գիտ.), 1951, № 4. Б. Н. Аракелян,

Հիսիցյան, Հ. Մանանդյան, Ա. Արրահամյան) գլխավորապես ուշադրություն են դարձրել նրա թվագրման, ինչպես նաև Գառնիում կատարված շինարարական աշխատանքների հետ նրա առնչված առնչության վրա: Հաջորդ ուսումնասիրողներն արդեն (Կ. Տրեվեր, Գ. Սարգսյան, Հ. Բարթիկյան, Ս. Կրկյաշարյան) արձանագրության որոշ տվյալների օգնությամբ փորձել են պարզել Արշակունյաց Հայաստանի սոցիալ-քաղաքական պատմությանը վերաբերող մի շարք հարցեր: Այսուհանդերձ, Գառնիի արձանագրությունը դեռևս իրեն չի սպառել: Այստեղ մենք ցանկանում ենք, Գառնիի արձանագրության ընձեռած տվյալների օգնությամբ, անդրադառնալ Տրդատի թագավորական իշխանության էությանը:

Ուսումնասիրողներն այս արձանագրության առաջին երկու տողը վերականգնում են երկու կերպ. ա) ΗΛΙΟΣ ΤΙΡΙΔΑΤΗΣ (ΒΑΣΙΛΕΥΣ) ΜΕΓΑΛΗΣ ΑΡΜΕΝΙΑΣ...—«Հելիոս Տիրիդատես թագավոր Մեծ Հայքի» (Հ. Մանանդյան՝ առաջին ընթերցում, Գ. Սարգսյան, Հ. Բարթիկյան, Ս. Կրկյաշարյան). բ) ΗΛΙΟΣ ΤΙΡΙΔΑΤΗΣ (Ο ΜΕΓΑΣ) ΜΕΓΑΛΗΣ ΑΡΜΕΝΙΑΣ...—«Հելիոս Տիրիդատես Մեծը Մեծ Հայքի...» (Հ. Մանանդյան՝ երկրորդ ընթերցում, Ա. Արրահամյան, Կ. Տրեվեր)⁵: Հ. Բարթիկյանը իրավամբ նշում է, որ այս երկու տողում արձանագրված է Տրդատի տիտղոսաշարը, որն ավարտվում է ΜΕΓΑΛΗΣ ΑΡΜΕΝΙΑΣ բառերով⁶:

Այս տիտղոսաշարը մոտենում է Ապարանի հունարեն արձանագրությունում պահպանված Տրդատ թագավորի տիտղոսաշարին՝ ΤΙΡΙΔΑΤΗΣ Ο ΜΕΓΑΣ ΜΕΓΑΛΗΣ ΑΡΜΕΝΙΑΣ ΒΑΣΙΛΕΥΣ—«Տիրիդատես Մեծը, Մեծ Հայքի թագավոր»⁷: Առաջինին նման է նաև XVI դարում հռոմում հայտնաբերված հունարեն մի արձանագրության մեջ II դարում Հայաստանում զահակալած Արշակունի Բակուր թագավորի տիտղոսաշարը՝ ΑΥΡΗΛΙΟΣ ΗΑΚΟΡΟΣ ΒΑΣΙΛΕΥΣ ΜΕΓΑΛΗΣ ΑΡΜΕΝΙΑΣ —«Ավրելիոս Պակորոս թագավոր Մեծ Հայքի»⁸:

Արշակունյաց Հայաստանում զահակալած թագավորների տիտղոսաշարի ևս մի տարբերակ կա, որը հանդիպում է վերջերս Գառնիում հայտնաբերված արամեերեն արձանագրության⁹ և Սասանյան Շապուհ I-ի թողած Նախշ-ի-Ռուստեմի եռլեզվյան արձանագրության մեջ¹⁰: Այս վերջին վավերագրում «թագավոր Մեծ Հայքի» փոխարեն Որմիզդ-Արտաշիրը կրում է «Մեծի թագավորի Հայոց—ΜΕΓΑΛΟΥ ΒΑΣΙΛΕΩΣ ΑΡΜΕΝΙΑΣ» տիտղոսը: Այս տարբերությունը ճիշտ է նշմարել Ա. Փերիխանյանը¹¹: Մինչդեռ Ս. Երեմյանը գտնում է, որ Շապուհի ձեռքով Հայաստանի պահի վրա բարձրացած Որմիզդ-Արտաշիրը պիտի կրեր ոչ թե «Արմենիայի (կամ Հայաստանի) մեծ թագավոր», այլ «թագավոր Հայոց Մեծաց» տիտղոսը¹²:

Այսպիսի եզրահանգման դեմ է խոսում արձանագրության մեջ պարզ վկայված տիտղոսա-

Гарни I, Ереван, 1951; К. В. Тревер, Очерки по истории культуры древней Армении, М.—Л., 1953; Գ. Սարգսյան, Գառնիի հունարեն արձանագրության շուրջը, ՀՍՍՀ ԳԱ «Տեղեկագիր» (հաս. գիտ.), 1956, № 3: Հ. Բարթիկյան, Գառնիի հունարեն արձանագրությունը և Մովսես Խորենացին, «Պատմա-բանասիրական հանդես», 1965, № 3, էջ 229—234: Ս. Կրկյաշարյան, Եվս մի անգամ Գառնիի հունարեն արձանագրության մասին, նույն տեղում, էջ 235—239:

5 Այստեղ մեզ չի հետաքրքրում ΗΛΙΟΣ բառին տրված այս կամ այն մեկնությունը, որին մենք առանձին անդրադարձել ենք Գառնիի արձանագրությանը նվիրված մեր հոդվածում: Հմտ. նաև՝ Գ. Խ. Սարգսյան, Հելլենիստական դարաշրջանի Հայաստանը և Մովսես Խորենացին, Երևան, 1966, էջ 58—59:

6 Հ. Մ. Բարթիկյան, նշվ. աշխ., էջ 231:

7 М. И. Ростовцев, Апаранская надпись царя Тирidata, Анийская серия, № 62 СПб., 1911.

8 К. В. Тревер, Очерки..., էջ 237:

9 А. Г. Периханян, Арамейская надпись из Гарни, «Պատմա-բանասիրական հանդես», 1964, № 3, էջ 126:

10 Ernest Honigmann et André Maricq, Recherches sur les Res Gestae divi Saporis, Bruxelles, 1953.

11 А. Г. Периханян, նշվ. աշխ.:

12 Ս. Ս. Երեմյան, Նախշ-ի-Ռուստեմի «Բաաբա ի Զարդուշտ» հուշարձանի արձանագրության վկայությունները Հայաստանի մասին, «Պատմա-բանասիրական հանդես», 1966, № 2, էջ 64, ծան. 18:

շարք՝ ΤΟΥ ΜΕΓΑΛΟΥ ΒΑΣΙΛΕΩΣ ΑΡΜΕΝΙΑΣ, որտեղ արական սեռի անունը լատինացիները (մեծի) անվանել են Կարեք չի կարող վերաբերվել իդական սեռի 'Αρχαίνης գոյականին, այն կարող է վերաբերվել բացառապես արական սեռի Ξατλῆως (թագավորի) գոյականին, քանի որ հունարենում գոյականի և ածականի սեռային համաձայնությունը պարտադիր է։ Բացի այդ, չի կարելի պնդել, թե Սասանյան Շապուհի որդին, դառնալով Հայաստանի թագավոր, անհրաժեշտաբար պետք է վերցնեի Սասանյանների կատաղի թշնամի հայ Արշակունի թագավորների տիտղոսը։

Ուսումնասիրողները միանգամայն ձիջտ են նկատել, որ Գառնիի և Ապարանի հունարեն արձանագրություններում Տրդատի կրած Βασιλεως Μεγαλης 'Αρχαίνης տիտղոսը միանգամայն համապատասխանում է մատենագրության միջոցով մեզ հասած Արշակունի զահակալների կրած չիագավոր Հայոց Մեծացա տիտղոսին¹³։

Սեր կարծիքով, Հայաստանում թագավորական իշխանության ներքին բովանդակությունը բացահայտում են Գառնիի հունարեն արձանագրության մեջ Տրդատի տիտղոսաշարին հաջորդող ΑΝΑ [ΣΥΩΝ] ΩΣ ΔΕΣΠΟΤΗΣ — «թագավորելով իրեն ղեկավարում»¹⁴ բառերը։ ΔΕΣΠΟΤΗΣ հունարեն նշանակում է՝ վեհապետ, զերագույն տեր, անսահմանափակ իշխանությամբ օժտված միապետ։ Այս բառի այդպիսի նշանակությունը առավել պարզ երևում է իր իսկ Տրդատի այն խոսքերի մեջ, որով նա Հռոմի ֆորումում դիմել էր ներոնին։ Τὴν ὡς δεσποτα, Ἀρταξου μὲν ἐκ γένους (ὡς ἀρταξου ὡς καὶ Παξου τὸν Ξατλῆων ἀδελφός, σὺς ὡς δεσπότης, εἰμι¹⁵։ «Ես, ով վեհապետ, Արշակի հետնորդն եմ, Վաղարշ և Պակորոս թագավորների եղբայրը, իսկ բո ծառանքս։ Այստեղ δεσποτης բառով բնորոշված է ներոնի բացարձակ իշխանությունը։

Այն, որ Տրդատ թագավորը իրեն δεσποτης պետք է օժտված լինեի անսահմանափակ իշխանությամբ, կարելի է հետևցնել նաև այն հանգամանքից, որ, ինչպես հաղորդում է Տակիտոսը և ինչպես պարզվում է Գառնիի արձանագրության մեր վերծանումից, նա ոչ միայն թագավոր էր, այլև բրմապետ¹⁶։

Վաղարշի և Տրդատի եռանդուն գործունեության շնորհիվ Հայաստանի զահը 66 թ. բաժին բնկավ պարթև Արշակունիների կրտսեր ճյուղին և Երկիրը այնուհետև դարձավ Արշակունիների Երկրորդ թագավորությունը (secundogenitur)։ Այս հանգամանքը պիտի իր որոշակի ազդեցությունն ունենար մ. թ. I դարի Հայաստանի սոցիալ-քաղաքական կյանքի վրա։ Այդ ազդեցությունը երկակի բնույթի էր՝ արտաքին և ներքին իմաստով։ Հնարավոր է, որ Տրդատը, Վաղարշի անմիջական օգնությամբ Հայաստանի թագավոր դարձած լինելով, լիովին ազատ չէր վարելու ինքնուրույն արտաքին քաղաքականություն։ Նա պետք է հաշվի առներ նաև իր ավագ եղբոր՝ Պարթև թագավորի շահերը։ Մյուս կողմից, վայելելով նրա համակողմանի աջակցությունը, Տրդատն այժմ լավոր հնարավորություններն ուներ ներքին քաղաքականության ասպարեզում վճռական և գործունե միջոցների դիմելու համար։ Մի բան, որի կարիքը հրամայարար զգում էր տասնամյակներ անընդհատ ծվատված երկիրը։

Հայաստանում «իբրև ղեկավար» թագավորող միապետի իշխանությունը, անկասկած, կրում էր արևելյան բացարձակ միապետության բնույթ, որտեղ միապետի կամքը հավասար էր օրենքի։

Դաժան մարտերով հռոմեացիներին Հայաստան երկրից դուրս մղելով, Արշակունյաց հարբստության հիմնադիրը թերևս իրավունք ուներ Հայաստանը համարելու իր իսկ նիդակով նվաճված երկիր՝ ὁσπρετατος γῶμα, և որպես այդպիսին, այն դիտելու որպես իր բացարձակ

¹³ A. Γ. Периханян, նշվ. աշխ. Ս. Ս. Կրկյաշարյան, նշվ. աշխ.։

¹⁴ Այսպես են ընթերցում Հ. Մանանդյանը և Ս. Կրկյաշարյանը, մինչդեռ ուրիշներն այլ ընթերցում են առաջարկում։ Բանն այն է, որ Գառնիի արձանագրության երկրորդ տողի վերջում գտնվող այդ բառի միայն առաջին երեք տառերն են պահպանվել՝ ΑΝΑ ...։ Ստ. Լիսիցյանի լրացումը՝ ΑΝΑΞΙΩΣ (անարժանաբար) թյուրիմացություն է. Ա. Արրահամյանն այդ բառը լրացնում է՝ ΑΝΑΚΤΩΣ, որը լինելով ΑΝΑΞ (թագավոր) բառի սեռականը, չի կարելի ընդունել։ Կ. Տրեվերը այն լրացնում է՝ ΑΝΑΚΤΩΡ (թագավոր) հաղվաղեպ բառով. Հ. Բարթիկյանը՝ ΑΝΑΚΤΟΡΟΝ (ապարանք) բառով. իսկ Գ. Սարգսյանը ΑΝΑ-ի հարցը համարում է ղեկ ոչ պարզ։

¹⁵ Dio Cass., LXIII, 5, 2.

¹⁶ Tacit., Annal., XV, 24։ Այս հարցին մենք անդրադարձել ենք մեր հետևյալ հոդվածներում. «Գիտություններ հին հայկական տաճարային քաղաքների առաջացման մասին», ՀՍՍՀ ԳԱ «Տեղեկագիր» (հաս. գիտ.), 1963, № 9, էջ 56։ «Իմ մի անգամ Գառնիի հունարեն արձանագրության մասին», էջ 236։

սեփականություն: Մեր անդրանիկ մատենագիրների գործերում կան վկայություններ, որոնք դալիս են հաստատելու մեր այս տեսակետը:

Փափստոսը պատմում է, թե Շապուհի ղորքերի դեմ կովելիս ընկնում է նաև Վաչե ղորավարը, որի համար Հայաստան աշխարհը սգի մեջ էր: Այդ կասկածությունամբ վրթանես նպիսկոսոսապետը հայոց թագավորի և ղորքի առաջ հանդես է գալիս միսթարական խոսքով և նշում, թե այս մարտում ընկածներն իրենց անձը ղոհեցին հանուն աստվածային անմարտության և հավատի, հանուն Հայոց աշխարհի բնիկ տիրոջ՝ թի վերայ բնակի տեառն աշխարհի¹⁷: Նույն Փափստոսի մոտ դարձյալ կարդում ենք, որ պարտված Շապուհը ղարմանքով պատմում է հայկական ղորքի քաջության մասին, նշելով, որ հայերը կովում էին իրենց կորած արքայի՝ Արշակի համար: Որին Շապուհն անվանում է «բնակ տէր» հայերի¹⁸:

Հայ Արշակունիներին տրված «բնակ տէր աշխարհիս Հայոց» բնորոշումը համահնչուն է թվում Աղաթանգեղոսի այն հաղորդմանը, թե Տրդատ թագավորն իր իշխանությանը ենթակա ժողովրդին ուղղած հրովարտականներից մեկում Հայաստանը համարում է Արշակունյաց թագավորի «ձեռնադրունկ և ձեռնասուն»¹⁹:

Բնական է, որ հայոց արքան ևս, որպես «բնակ տէր աշխարհի», անկախ ազդակցական մերձավորությունից և առանց աստիճանի խտրության, իր բոլոր հպատակների վրա ունեւր մահու և կենաց իրավունք:

Մեր ասածի լավագույն ապացույցը Փափստոսի և Խորենացու մատյաններում պահպանված վկայություններն են: Տվյալ դեպքում մենք նկատի ունենք Արշակ թագավորի հրամանով արքայի և ղորքորդուն՝ Գնելի սպանությունը²⁰. Նույն Արշակի հրամանով հայրենիքի դավաճան Վահան Մամիկոնյանի սպանությունը²¹. այնուհետև Պապ թագավորի հրամանով Հայր Մարգարետի սպանությունը²² և այլ դեպքեր: Եվ այս բոլորն այն ժամանակ, երբ արդեն IV դարի երկրորդ կեսին Արշակունի թագավորների բացարձակ իշխանությունը անհամեմատ թուլացել էր, իսկ դրան ի հակակշիռ, ուժեղացել էր կենտրոնախույս նախարարների քաղաքական ազդեցությունը: Անկասկած, առաջին Արշակունիները, որոնք իրենց առավել հաստատուն էին զգում Հայաստանի դաշի վրա, պետք է որ ավելի լայն ինքնակալական իշխանություն ունենային, քան իրենց հետնորդները IV դարում:

Արշակունի թագավորի ձեռքին էր ոչ միայն առանձին հպատակի կյանքը. ցանկության դեպքում ինքնակալը կարող էր բնաջնջել նախարարական ամբողջ գերդաստաններ: Այսպես, Խորենացին պատմում է, թե հրապուրվելով պարսից Շապուհ արքայի խոստումներից, Սկունյաց Սողոկ նահապետը ամրանալով Ողական ամրոցում, ապստամբում է Տրդատ թագավորի դեմ և խռովում երկիրը: Տրդատը դիմում է բոլոր նախարարներին հետևյալ խոսքերով. «Որ ոք ածցէ առ իս զնահապետն ազգին Սկունեաց՝ տաց նմա յաւիտենական իշխանութեամբ զգեօղս և զդաստակերտս, և զամենայն իշխանութիւն ազգին Սկունեաց»: Այդ հանձն է առնում Մամգոնը, որը չյետ բազում վստահութեան, ի միում աւուրց հաւանեցուցանէ զնահապետ ազգին Սկունեաց ելանել արտաքս յամրոցէն և որսալ երէս. և ի միջամուխ լինել որսոցն՝ դիպեցուցանէ հապըստամբն: Եւ ընթացեալ իւրովք արամբքն ի դուռն ամրոցին՝ ունի զբերդն, կապելով զամենայն արս որ ի ներքս: Նա և զազգն Սկունեաց խորհեցաւ բառնալ, և կոտորեաց զամենեւեան...: Իսկ Մամգոն վաղվաղակի զգացուցանէ թագաւորին. ընդ որ ուրախացեալ Տրդատայ. զրէ հրովարտաւ՝ իշխել նմա ամենայնի զոր խոստացան, և կարգէ զնա նախարար ի տեղի ապստամբին, անուանելով յանուն իւր Մամգոնեան»²³:

Ահա ևս մի օրինակ Խորենացու «Հայոց Պատմությունից»: «Ի հետևան ձեռքին Ներսիսի՝ ստեաց Արշակ ամենայն ուխտիցն, զոր եղ ընդ նախարարսն, և խնորեաց զբէն ձեռակերտին իւրոյ Արշակաւանու: Եւ կոտորեաց զբազումս ի նախարարացն, մանաւանդ զազգն Կամսարակեանց բառնայր ի միջոյ, շարակնելով ազահեալ յամուրն Արտաղերս և ի քաղաք ոստանի նոցա Երուանդաշատ: Եւ կոչեցեալ առ ինքն ի լքիսլ արքունիսն Արմատիր իբր զազգականս իւր, ի պատճառս

17 Փ ա վ ս տ ո ս Բ ու զ ա ն դ, Պատմություն Հայոց, Գ, ժա:

18 Նույն տեղում, Ե, Ե:

19 «Աղաթանգեղայ Պատմություն Հայոց», Տիգրիս, 1909, գլ. ԺԲ:

20 Փ ա վ ս տ ո ս Բ ու զ ա ն դ, Գ, ժա: «Մովսիսի Խորենացույ Պատմություն Հայոց», Գ, ԻԳ:

21 Փ ա վ ս տ ո ս Բ ու զ ա ն դ, Գ, ժը: Մ ո վ ս Ե ս Խ ո Ր Ե ն ա ջ ի, Գ, ԻԵ:

22 Փ ա վ ս տ ո ս Բ ու զ ա ն դ, Ե, գ:

23 Մ ո վ ս Ե ս Խ ո Ր Ե ն ա ջ ի, Բ, ձդ:

պատուոյ մեծարանաց, միահաղոյն զարս և զկանոյս հանդերձ մանկամբ հրամայեաց կոտորել»²⁴։

III—IV դարերում Հայաստանում արքայի կարգադրությամբ նախարարական ամբողջ տների բնաջնջման մասին հորենացու հաղորդած նման փաստերը հաստատվում են նաև Փավստոսի մի շարք տեղեկություններով։ Բավարարվինք մեկ օրինակով։ Մատենագիրը, խոսելով Տիրան թագավորի (որն, ի դեպ, հայ Արշակունիների թվում միանգամայն թույլ միապետ է եղել) զահակալության ժամանակ Հայր Մարգարեի քսությունների և դավերի մասին, որոնց հետևանքով հայկական նախարարական մի շարք տներ բնաջնջվեցին, գրում է. «Բայց քան զամենեսին աւելի այր մի անօրէն և այսամուտ. որ աւելի ընդ ազգս նախարարցն զրգուէր զթագաւորն Տիրան։ Այս ինքն որ ունէր զպատին մեծի մարգարետութեանն, այր ներքինի՝ շարասիրտ, շարախորհուրդ, շարագործ, որում Հայր կոչէին։ Ջրաղումս ի նախարարացն ետ քսութեամբ առանց վնասու կոտորել, և խանդարեաց զմեծ տէրութիւն թագաւորութեանն»։

Մանաւանդ աւելի զերկու տոհմսն զաւագս տայր իւրով շարախօսութեամբն հանել ընդ սուր, և անունդ առնել միահաղոյն զտոհմսն Ռշտունեաց և զտոհմն Արծրունեաց. բառնային ի միջու առանց ամենայն վնասու և յանցման, մինչ անգամ և զզգսն կոտորեցին ազգացն»²⁵։

Իր հպատակների կյանքի տերը համարվող հայոց արքան միաժամանակ նրանց ինչքի դերագույն տներն էր Ուստի և նախարարական այս կամ այն տունը բնաջնջելուց հետո հայոց թագավորը իրավունք ուներ ունեզրկել ամբողջ տոհմը և բռնադրավժած ինչքը տնօրինել իր հայեցողությամբ՝ նվիրել մի այլ նախարարի կամ պարբունիս առնուլ»։

Հայաստանում արքայի և ավագանու միջև գոյություն ունեցած նման հարաբերություններ, երբ հպատակների կյանքն ու ինչքը միապետի կամայականության տուրական էր, նկատելի են գեղեցիկ Արտաշեսյան թագավորների ժամանակ։ Այսպես, պատմահայրը վկայում է, թե Տիգրան Մեծը քցասուցեալ ընդ Վահունիսն, ...ընկենու զնոսա ի բրմութենէն, և զգիւղն յարքունիս առնու...»²⁶։ Մի այլ վկայություն է պահպանվել նաև հունական աղբյուրներում։ Հայտնի է, որ Տիգրան II-ը, ձեռնամուխ լինելով Տիգրանակերտի կառուցմանը, շարժման մեջ դրեց իր տրամադրության տակ գտնված բոլոր միջոցները՝ օտար ռազմագերիներ, կառուցող վարպետներ, դրամ, ինչպես նաև բուն Հայաստանում նկատված բոլոր հնարավորությունները, կանգ չառնելով նույնիսկ հայ ավագանուն ունեզրկելու սպառնալիքի առաջ։ Ապսիանոսն այս առնչությամբ գրում է. «Այստեղ նա հավաքեց իր տիրության ամենահայտնի մարդկանց, սպառնալով, որ այն, ինչ շին վերցնի իրենց հետ՝ կբռնադրավժի»²⁷։

Հայոց արքան շնորհազրկված նախարարներից խլված ինչքը բռնադրավում էր արքունիքի օղտին կամ պարզեում իր մերձավորներին և հավատարիմ նախարարներին։ Վերևում մենք տեսանք, որ Տրդատ Մեծը Սղուկի ինչքը բռնադրավելով պարզեց Մամգոնին, որին հաջողվել էր խաբեությամբ կործանել Սկունյաց նահապետին։

Նույնը կատարվում է նաև Տիրան թագավորի ժամանակ հայոց հարավային ղեղի զորապետ Ռշտունյաց Ջորա նահապետի հետ։ Ջորան ընդվզում է Տիրանի դեմ այն բանի համար, որ սա, բյուզանդական կայսր Հուլիանոս Ուրացողից երկյուղելով, սպանել է տալիս Հուսիկ եպիսկոպոսին և Գրիգոր Լուսավորչի աշակերտ՝ Ժերունի Դանիել քահանային։ «Տեսեալ զայս Տիրանայ,— գրում է հորենացին,— և յոյժ պարտուրեալ առաքլ զմարդպետն կոչեցեալ Հայր, և հանդերձ երդմամբ կոչէ առ ինքն զՋորայ։ ...Նւ միայնացեալ Ջորայ, զայ առ արքայ յոչ կամաց. և արքայի զՋորայ ի բուռն առեալ ունի և զամուրն նոցին զԱխթամար, և բառնայ զամենեսին սատակմամբ։ ...Իսկ արքայ փոխանակ նորա կարգլ զՍաղամուի տէր Անծտայ»²⁸։

Այլ դեպքում հայոց արքան բռնադրավում է այս կամ այն անձնավորության ինչքը ոչ թե իր մերձավորներից մեկ ուրիշին վերապարզելու, այլ սեփականելու նպատակով։

Այսպես, հորենացին պատմում է, որ երբ Ներսես կաթողիկոսն իմացավ Գնելի սպանության մասին, անիծելով Արշակին և սպանության առիթ եղողին, հեռացավ և օրերով սուղ պահեց՝ «Իսկ Արշակ... ազահելով ի գանձս սպանելոյն և ի ժառանգութիւն՝ յաւել առնուլ զկին նորին Փառանձեմ»²⁹։ Պատմահայրը հաղորդում է նաև, որ Արշակ թագավորը, ցանկանալով նախարար-

²⁴ Նույն տեղում, Դ, լաւ նաև՝ Փավստոս Բուզանդ, Դ, ժբ։

²⁵ Փավստոս Բուզանդ, Դ, ժբ։

²⁶ Մովսէս Խորենացի, Բ, ժդ։

²⁷ Appian., Mithr., 64.

²⁸ Մովսէս Խորենացի, Դ, ժդ։

²⁹ Նույն տեղում, իդ։

ներից վրեժ լուծել Արշակավանի կործանման համար, «կոտորեաց զբաղումս ի նախարարացն, մանաւանդ զազն Կամսարականաց բառնայր ի միջոյ, շարակնելով ազահեալ յամուրն Արտագերս և ի քաղաք ոստանի նոցա նրուանդաշատ»³⁰։

Քիչ անց նման քայլի է դիմում այնպիսի թույլ իշխանություն ունեցող մի թագավոր, ինչպիսին հոսրով վերջինն էր։ Վարազդատ Արշակունու մահից հետո Հայաստանը փաստորեն բաժանվեց Բյուզանդիայի և Պարսկաստանի միջև (387 թ.)։ Բյուզանդական կողմում թագավորեց Արշակ III-ը, իսկ պարսկական մասի վրա Շապուհը թագավոր կարգեց հոսրովին։ Մինչ այդ, սակայն, պարսկական հատվածում տիրույթներ ունեցող հայ նախարարները ապահովության համար արդեն ապաստանել էին Արշակի մոտ։ Բայց երբ Սասանյան Շապուհը խոստացավ նրանց անձի և ինչրի ապահովություն, նրանց մի մասը վերադարձավ հոսրովի մոտ, իսկ մյուս մասը մնաց Բյուզանդական կողմում։ «Վասն որոյ,— գրում է հորենացին,— զժառանգութիւնս նոցա կալաւ հոսրով յարքունիս հրամանաւ Շապուհոյ, և ոչ եթող զկալուածս որդւոյ ի հայր, և ոչ զեղբօր յեղբայրս»³¹։ Նույն հոսրովը, ի պատասխան ունեզրկված նախարարների դիմումին, որոնք հոժարում էին վերադառնալ նրա մոտ, եթե արքան խոստանար վերադարձնել իրենցից բռնազրկված կալվածքները, գրում է. «Ներկորդ՝ դարձուցանել ի ձեզ ժառանգութիւնս ձեր, զոր ունիմք յարդունիս. քայց յայնմանէ, զոր ումեք ումեք պարգևեցաք, զի ոչ շրջին պարգևք թագաւորաց առանց վնասու»³²։

Հայոց թագավորների կատարած ինչքի բռնադրավումների մասին պահպանված վկայությունների ամբողջությունը ծանոթանալիս ակնառու է դառնում նետաքրքիր մի շանգամանք։ Այդ հաղորդումները հիմնականում վերաբերում են հայ Արշակունիների թագավորության վերջին հարյուրամյակին, երբ կենտրոնական իշխանությունը երկրում համեմատաբար թուլացել էր և զուրկ էին բարձրացրել կենտրոնախույս ուժերը՝ ֆեոդալականացող նախարարները։ Այս փաստը դուրս գալիս որոշ չափով պիտի համարել հետևանքն այն բանի, որ մեր անդրանիկ մատենագիրները պատկերել են հիմնականում մ. թ. IV դարից հետո Հայաստանում ստեղծված իրավիճակը։ Ուստի և ուսումնասիրողն իզուր կփորձեր նրանց մատյաններում Արշակունիների թագավորության առաջին շրջանում կատարված ինչքի բռնադրավումների մասին հիշատակության հանդիպել։ Իսկ հորենացին։ Չէ՞ որ նա հայ ժողովրդի անցյալ պատմությունը շարադրելիս հնարավորություն ունեւ, նույնիսկ պարտավոր էր արձանագրելու նման փաստերը։ Բայց հողային բռնադրավումների մասին պատմա՛որ հաղորդած տեղեկությունները ևս վերաբերում են մ. թ. IV դարից այս կողմն ընկած ժամանակահատվածին, եթե չհաշվենք նրա այն եզակի վկայությունը, թե Տիգրանը «ցասուցեալ ընդ Վահունիսն, ...ընկենու զնոսա ի քրմութենէն, և զգիւղն յարքունիս առնու»³³։

Թվում է, թե հնարավոր է անել այն ենթադրությունը, որ մեր պատմիչները գրկված են եղել անցյալի այդօրինակ դեպքերի մասին տվյալներից և դրել են իրենց ժամանակակից դեպքերի թարմ տպավորության տակ։ Սակայն հորենացու վերոհիշյալ միակ վկայությունը մեզ թելադրում է ավելի շուտ կարծել, թե այդպիսի միջադեպերը նախորդ դարերում սովորական չեն եղել։ հակառակ դեպքում թագավորի և ազնվականության միջև մղվող երբեմն խուլ, հաճախ բացահայտ պայքարն ու նրա նշանակությունն ըմբռնող խորսթափանց պատմա՛այրը կհիշատակեր դրանք։

Բռնադրավումների ճանապարհով հողային հարցերը լուծելու եղանակը նոր երևույթ էր հայ Արշակունիների թագավորության վերջին հարյուրամյակի համար և պայմանավորված էր Հայաստանի սոցիալ-տնտեսական կյանքում մ. թ. ա. I—մ. թ. II դարերի ընթացքում տեղի ունեցած էական փոփոխություններով։

Մենք հակված ենք ենթադրելու, որ Տրդատ I-ի ժամանակ ամբողջ Հայաստանը, հելլենիստական թագավորությունների նման, համարվում էր արքունի երկիր (շաքա թաւաւալ), արքայի սեփականություն, բուստի և երկրի որևէ հատվածը մեկ ուրիշից բռնադրավելու անհրաժեշտություն չէր կարող ծագել։ Եթե արքան ցանկանար իր մերձավորներից որևէ մեկին հողային նվիրատվություն անել, ապա կարող էր այդ իրադրոժել առանց ուրիշի շահերին դիպելու։ մի բան, որ հնարավոր չէր IV—V դարերում, երբ հայ նախարարների հողային տիրույթները աստիճանաբար աճեցին ի հաշիվ արքունի երկրի։

Հիրավի, եթե Ապարանի հունարեն արձանագրությունը վերաբերում է ոչ թե Տրդատ III-ին,

30 Նույն տեղում, լա։

31 Նույն տեղում, խզ։

32 Նույն տեղում, իւր։

33 Նույն տեղում, Բ, Ժդ։

այլ՝ 1-ին³⁴, ապա մենք կունենանք անժխտելի ապացույցն այն բանի, որ Արշակունյաց հարստության հիմնադիրը Գնթունիններից մեկին, հավանաբար նրա մատուցած ինչ-որ ծառայության դիմաց, պարգևում է նիգ քաղաքն իր դավառով (πρόλιν Νίγηρ)³⁵։

Արտաշեսյանների օրոք կատարված արտաքին նվաճումները հայոց թագավորին հնարավորություն էին տալիս ազնվականության հողային պահանջները բավարարել նոր դրաված երկրամասերի հաշվին, առանց ներքին բռնազրավումների։ Մինչդեռ հայ Արշակունիները ամբողջ ժամանակ պարփակված մնացին Հայկական լեռնաշխարհի բնական-աշխարհագրական սահմանների մեջ և այն բանից հետո, երբ նախարարներին արած հողային նվիրատվությունների հետևանքով արքունի երկիրը մեծապես կրճատվել էր, ստիպված էին ազնվականության մի մասին բավարարելու համար շնորհազրկել մյուս մասին³⁶։

Հայտնի է, որ պետության քաղաքական գործունեությունն ընթանում է երկու ուղղությամբ՝ արտաքին և ներքին։ Ուստի թագավորի, որպես գերագույն իշխանության կրողի ֆունկցիաները պետք է դրսևորվեն և՛ արտաքին, և՛ ներքին քաղաքականության բնագավառներում։ Արտաքին քաղաքականության բնագավառում թագավորը վարում էր պատերազմ հայտարարելու, խաղաղություն հաստատելու, օտար ղեկավարներ ընդունելու, դաշինք կնքելու հարցերը անձամբ կամ իր կողմից հատուկ նշանակված պատվիրակի միջոցով։

Դեռևս Արտաշեսյան թագավորները միջազգային հեղինակություն են վայելել և մասնակցել այլ երկրների միջև ծագած միջադեպերը հարթելու համար դրամաված վեհաժողովներին։ Այսպես, Պոլիբիոսը, խոսելով մ. թ. ա. 180 թ. Փառնակ Պոնտացու և նրա դաշնակից Փոքր Հայքի տիրակալ Միհրդատի պատերազմի մասին Պերգամոնի, Կապադովկիայի և Բիթանիայի կազմած դաշնակցության դեմ, հիշատակում է կողմերի միջև ստորագրված հաշտության պայմանագիրը,

34 Ասպարանի հունարեն արձանագրության առաջին հրատարակիչ Մ. Ի. Ռոստովցևը իրավամբ նշում է, որ այն պետք է վերաբերի Արշակունի երեք Տրդատներից մեկին, բանի որ դրանում կարդում ենք Τριδάτης ο βασις Μεγαλής Ἀρμενίας βασιλεύς։ Մ. Ի. Ռոստովցևը ենթադրում էր, որ դա պետք է լինի Տրդատ III-ը, բանի որ, նրա կարծիքով, արձանագրության վերջում պահանջվել են մի երկու տառի հետքեր, որոնք նշում են 308 թ. (M. II. Ростовцев Апаратская надпись царя Тирidata). Այսպիսի թվագրման ավելի քան կասկածելի լինելը նշել է դեռևս Կ. Տրեվերը (K. B. Тревер. Очерки по истории культуры древней Армении, էջ 276—282)։ Մ. Ի. Ռոստովցևի առաջարկած թվագրմանը չի առարկում Հ. Հ. Մանանդյանը (Քննական տեսություն հայ ժողովրդի պատմության, հատ. Բ, մասն Ա, Երևան, 1957, էջ 122)։ Բ. Ն. Առաքելյանը գտնում է, որ արձանագրության մեջ հիշատակված Տրդատը հավասար կերպով կարող է լինել և՛ I-ը, և՛ III-ը (Բ. Ն. Առաքելյան, «Կօշիկը» որպես ժողովրդական տերմին, Արմֆանի «Տեղեկագիր», 1940, № 3, էջ 78)։ Կ. Վ. Տրեվերը իր հերթին մանրամասն հետազոտելով տվյալ արձանագրությունը և այն համեմատելով Գառնիի հունարեն արձանագրության հետ (մի բան, որի հնարավորությունը չունենր Մ. Ի. Ռոստովցևը), վճռակա՝ նորեն մերժում է Ասպարանի արձանագրությունը Տրդատ III-ին վերագրելու տեսակետը և գտնում, որ այն վերաբերում է Տրդատ II-ին (217—222 թթ.)։ Մեր կարծիքով, այդ երկու արձանագրությունները նույն ժամանակին են վերաբերում և դրանցում հիշատակված Տրդատը միևնույն անձնավորությունն է՝ Հայաստանի Արշակունյաց թագավորության հիմնադիրը, ինչպես 1) երկու արձանագրություններում Տրդատի թագավորական տիտղոսաշարը նման է։ 2) երկու արձանագրություններում տառաձևերը համընկնում են, մինչդեռ այդ տառերը այլ ձևերով են փորագրված III—IV դդ. սահմանագծին վերաբերող Տիգրանակերտի հունարեն արձանագրության մեջ, որտեղ տառերը պատկերված են ավելի համաչափ, երկարավուն, ուղիղ անկյուններով։ Առավել տարբերիչն այն է, որ այստեղ միշտ կիրառվել է կցագրումը (լիգատուրա) և հասկանալի (C. F. Lehmann-Haupt, Eine griechische Inschrift aus der Spätzeit Tigranokertas, „Klio“, VIII, 1908, էջ 497; K. B. Тревер, արդ. աշխ., տախտակ 88—90), մի բան, որ իսպառ բացակայում է Գառնիի և Ասպարանի արձանագրություններում։ 3) Ասպարանի արձանագրության բովանդակության ընդհանուր իմաստը ևս մեզ մղում է այդ ենթադրության։

35 M. H. Ростовцев, նշվ. աշխ., էջ 8։

36 Արտաքին նվաճումների հնարավորությունն ունենալը կամ չունենալը իր անդրադարձումն է գտել հին Հայաստանի սոցիալ-տնտեսական կյանքի այլ երևույթների վրա ևս, ինչպիսիք են քաղաքաշինությունը և սինոյկիսմոսի հետ կապված խնդիրները (Ս. Մ. Կրկյաշարյան, Սինոյկիսմոսը հելլենիստական Փոքր Ասիայում և Հայաստանում, «Պատմա-բանասիրական հանդես», 1964, № 1, էջ 107—118)։

որի կնքմանը մասնակցել էր նաև «Արտաշեսը՝ Հայաստանի մեծագույն մասի տիրակալը»³⁷։ Արտաշեսյանների արտաքին քաղաքական լայն կապերի մասին հայ և օտար մատենագիրների մոտ պահպանված վկայությունները բավմիցս ուսումնասիրության նյութ են դարձել, ուստի մենք անհրաժեշտ չենք համարում անդրադառնալ դրանց։

Առանձնապես հետաքրքիր է Հայաստանին հարևան Իբերիային վերաբերող Ստրաբոնի վկայությունը։ Խոսելով այդ երկրում մ. թ. ա. II դարում տիրող հարաբերությունների մասին, նա հավաստում է, թե Իբերիան բնակեցված է չորս դասի (τετταρτα γένεα) մարդկանցով, թե «...երկրորդը քրմերի դասն է, որոնց հանձնված է հարևանների հետ հարաբերություններ վարելու գործը»³⁸։ Այս հաղորդման իմաստն այն է, որ քրմերը արտաքին հարաբերությունների հարցում կարևոր դեր էին խաղում. սակայն երկրի արտաքին քաղաքականության սանձերը, վերջին հաշվով, թագավորի ձեռքին էին և քրմերը հանդես էին գալիս սոսկ իբրև թագավորի հանձնակատարներ։

Հավանաբար Հայաստանում ևս քրմերը նման իրավասություններ են ունեցել։ Սակայն բոլոր հիմքերն ունենք ենթադրելու, որ Տրդատ I-ը ինքն էր վարում երկրի արտաքին քաղաքականությունը, քանի որ, ինչպես նշել ենք, Տրդատը միաժամանակ և՛ թագավոր էր, և՛ քրմապետ։ Մի վերապահություն։ Եթե Արտաշեսյանների ժամանակ հայոց թագավորը ի վիճակի էր առավել ինքնուրույն արտաքին քաղաքականություն վարելու (բացի վերջին շրջանից, երբ հայոց թագավորը հայտարարվեց «Հռոմի բարեկամ»), ապա Տրդատ Արշակունու զանակալությունից հետո հայոց թագավորն իր արտաքին քաղաքական հարաբերություններում պետք է հաշվի առներ Պարսկաստանում գահակալող Արշակունիների ավագ նյուդի շահերը, որոնք, ի դեպ, ձեռնառու էին նաև Հայաստանի համար։ Հայ Արշակունիների արտաքին քաղաքականությունը կարող էր համընթաց լինել պարթևական արքունիքի շահերին հավանաբար մինչև Պարսկաստանում Սասանյան հարստության հաստատումը (226 թ.)։

Դառնի արձանագրության մեջ տրադացիոնալ (տիրելով իբրև ղեկավար) արտահայտությունը բնութագրում է Տրդատի թագավորական իշխանության ներքին էությունը։ Ուստի, հայոց արքան ինքնիշխան էր նաև ներքին քաղաքականության բնագավառում, որտեղ ինքն էր հանդիսանում և՛ օրենքը, և՛ իրավունքի աղբյուրը։

Հայաստանում այդ ժամանակ կիրառված զրավոր օրենքների մասին մենք որոշակի տվյալներ չունենք, բայց մեզ հասած մի շարք տեղեկություններ հավանական են դարձնում այդպիսիների գոյության մասին ենթադրությունը։ Հայտնի է, որ Տիգրան I-ը տասներկու հելլենական քաղաքների բնակչությունը տեղահանելով փոխադրեց Հայաստան։ Այդ քաղաքների թվում էր նաև Կապադովկիայի մայրաքաղաք Մաժաքը, որտեղ գործադրվում էին հույն օրենսդիր Քարոնդասի օրենքները³⁹։ Միանգամայն հնարավոր է, որ դրանք հույն զաղթականների հետ մուտք գործած լինեին նրանցով բնակեցված հայկական քաղաքները⁴⁰։ Իրենց օրենքները կարող էին բերած լինել նաև այն հրեաները, որոնց Հայաստան էր քշել Տիգրանը։ Պիտի ենթադրել, որ այս հրեաների օրենքները ավելի երկար կյանք են ունեցել Հայաստանում, քան հույներինը, քանի որ Հռոմի դեմ Տիգրանի մղած պատերազմներից հետո քաղաքների հելլենական բնակչությունը վերադարձավ իր երկիրը, մինչդեռ հրեաները դեռևս երկար մնացին Հայաստանում, պահպանելով իրենց համայնքները⁴¹։

Հայոց թագավորի սահմանած օրենքների մասին ընդհանուր կարգի տեղեկություններ կա՞ն հուրենացու մատյանում։ Այսպես, նա նշում է, որ Վաղարշակը Արշակի կողմից Հայաստանի թագավոր հաստատվելուց հետո «կարգս կենցաղականս, ...սահմանեաց աշխարհիս»⁴²։ Մի ուրիշ տեղում պատմահայրը դարձյալ խոսում է Վաղարշակի սահմանած կարգերի՝ «օրէն թագաւորութեանս» մասին⁴³։

Վաղարշակը միաժամանակ հատուկ պաշտոնյաներ էր նշանակել, որոնք պարտ էին հետևելու իր սահմանած օրենքների կատարմանը։ Այս է հուրենացու այն հաղորդման իմաստը, թե Վաղարշակը սահմանում է «իրաւարարս ի տանն արքունի, իրաւարարս և ի քաղաքս և յաւանս»⁴⁴։

³⁷ Polyb., XXV, 2, 1—12.

³⁸ Strabo, XII, 3, 6:

³⁹ Նույն տեղում, 2, 9:

⁴⁰ Տե՛ս Դ. X. Саркисян, Тигранакерт, М., 1960, էջ 64:

⁴¹ Մ ո վ ս ե ս հ ո Ր հ ն ա ց ի, Գ, լեւ Փ ա վ ս տ ո Ռ ու զ ա ն դ, Գ, ծեւ:

⁴² Մ ո վ ս ե ս հ ո Ր հ ն ա ց ի, Բ, դ:

⁴³ Նույն տեղում, Է:

⁴⁴ Նույն տեղում, Ը:

Դեռևս Հին Արևելքի երկրներում, այդ թվում նաև Ուրարտու պետության մեջ, արքաների ձեռքին էր նոր քաղաքներ ու բերդեր հիմնելու կարևոր իրավունքը: Բավարարվենք հիշատակելով սոսկ Ուրարտուի տարածքի վրա ուրարտական թագավորների կողմից հիմնված քաղաքները՝ Մե-նուախինիլի, Ռուսախինիլի, Արգիշտիլիինիլի, էրեբունի, Խնշերախիի և այլն: Նորակառույց այդ քաղաքներն ու բերդ-քնակավայրերը շատ դեպքերում կոչվում էին թագավորի անունով:

Հելլենիստական ժամանակաշրջանում քաղաքաշինության մեջ այդ երևույթն իր հետագա զարգացումն ապրեց: Ալեքսանդր Մակեդոնացու և նրա հաջորդների՝ Արևելքում կառուցած Ալեքսանդրիաները, Անտիոքները, Սելևկիաները, Լաոդիկիաները, Ապամեաները և դինաստիական այլ անուններ կրող քաղաքները պերճախոս վկայությունն են մեր ասածի: Հետագայում հելլենիստական մանր տերությունների տարածքի վրա ևս առաջացան թագավորների անունը կրող Ատտալիա, Նիկոմեդիա, Պրուսիա, Արիարաթիա, Փաոնակիա, Արսամեա և այլ քաղաքներ:

Ուրարտական քաղաքաշինության ավանդները ժառանգած և աստիճանաբար հելլենիզմի ու լորտը ներգրավվող Հայաստանը չէր կարող հեռու մնալ ամբողջ Արևելքն ընդգրկած քաղաքաշինության այս հուժկու շարժումից: Երվանդունիների և Արտաշեսյանների թագավորության ժամանակ Հայաստանում ևս առաջացան հիմնադիր թագավորի անունը կրող մի շարք նոր քաղաքներ, ինչպես Երվանդաշատը, Արշամաշատը, Կարկաթիակերտը, Արտաշատը, Տիգրանակերտը և այլն⁴⁵: Հայկական հնագույն ավանդության համաձայն, Արմավիրը ևս կրում էր իր հիմնադրի՝ Արամայիսի անունը⁴⁶:

Քաղաքաշինության այս ընթացքը Հայաստանում շարունակվեց նաև Արշակունիների թագավորության ժամանակ: Այս ասպարեզում Հայաստանում Արշակունիների գործունեությունը չունեի այն թափը, ինչ Արտաշեսի և Տիգրան II-ի տարիներին: Այսուհանդերձ Արշակունի թագավորները ևս ամեն հնարավորություն ի գործ են դրել Հայաստանում շինարարական աշխատանքներին զարկ տալու համար: Մծուրն, Վաղարշապատ, Արշակավան քաղաքների կառուցումը, Տիկնույաց անտառի տնկումը դրա չավագույն վկայություններն են: Արշակունիներից քաղաքաշինությամբ զբաղվել է հատկապես Տրդատ I-ը: Ընդհանուր է, նրա անունը կրող քաղաք մեզ հայտնի չէ, սակայն նա վերաշինել է հռոմեացիների կողմից հիմնովին ավերված Արտաշատ և Տիգրանակերտ քաղաքները: Բացի այդ, Գառնիի ամրոցի վերակառուցումը և Գառնիի հեթանոսական հույակերտ տաճարի կառուցումն իսկ ինքնին մեզ իրավունք կտան Տրդատին դասելու հայոց շինարար թագավորների շարքը:

Երկրի գերագույն տերը լինելու հանգամանքով էր պայմանավորված հայոց թագավորի նաև այն իրավասությունը, ըստ որի մերձավորներին այս կամ այն ծառայության դիմաց նա ընդարձակ տիրույթներ էր պարգևում: Այս երևույթի խտացրած արտահայտությունը պիտի համարել Փալստոսի այն վկայությունը, թե երբ հայ նախարարները բողոքում են ներսևսին Արշակ թագավորի բռնությունների դեմ, կաթողիկոսը նրանց պատասխանում է. «Դուք ահա բոլորդ կաք ու վկա եք, որ բոլորդ Արշակունյաց ազգից եք ձեռք բերել ձեր դիրքը. ձեզանից ոմանք նրանից են նշանակվել գավառների տերեր, ոմանք աշխարհների մեծամեծներ, ոմանք խոշոր ավանների և գյուղերի, ոմանք գանձերի և զանազան դաստակերտների: Որովհետև Արշակունյաց պիղծ ազգի քնակետ և հանցավոր է արարիչ աստծու առաջ, բայց ձեզ բոլորիդ աղբից բարձրացրել է, մեկին՝ գործ տալով, մյուսին պատիվ, մեկին իշխանություն, մյուսին գործակալություն»⁴⁷:

Հայոց թագավորի՝ իր մերձավորներին շնորհած պարգևների մասին շատ վկայություններ կան մեր պատմիչների մոտ: Ահա մի օրինակ խորենացուց. «Բայց թագաւորին Տրդատայ մխիթարեալ զգլուխ որդւոցն Կամսարայ զԱրշաւիր՝ զինքն փոխանակ ծնողին սահմանելով, ազգ զնա սերէ յանուն հօրն, և կարգի ի թիւ նախարարութեանց: Յանելու և այլ պարզևս, զքաղաքն Երուանդայ և զնորին գաւառն մինչև ցկատար ձորոյն մեծի»⁴⁸:

⁴⁵ См Я. А. Манандян, О торговле и городах Армении в связи с мировой торговлей древних времен, Ереван, 1954, С. Т. Еремян, Развитие городов и городской жизни в древней Армении, ВДИ, 1953, № 3, էջ 11 և հտ.: Г. Х. Саркисян, Тигранакерт. էջ 30—48; С. М. Кркаяшарян, Возникновение городов в Армении во II в. до н. э.—III в. н. э. «Научные доклады высшей школы. Исторические науки», 1961, № 4, էջ 148 և հտ.:

⁴⁶ Մովսես Խորենացի, Ա, Ժբ: «Պատմութիւն Սեբեոսի ի Հերակլէն», Երևան, 1939, Ա, ա:

⁴⁷ Փալստոս Բուդանդ, Դ, ծա:

⁴⁸ Մովսես Խորենացի, Բ, ղ: Հմմտ. նաև՝ Խորենացի, Բ, ձբ, ղ: Փալստոս Բուդանդ, Դ, ծա:

Արշակունի թագավորները, Արտաշեսյանների նման, հողային տիրույթներ պարզեցնել են ոչ միայն աշխարհիկ ազնվականներին, այլև տաճարներին, եկեղեցիներին և հողատերականներին: Աղաճանդեղոսը գրում է, որ քրիստոնեությունն ընդունելուց հետո Տրդատ թագավորը «յամենայն իշխանութիւն իւրում առ հասարակ՝ զրեաց շորս շորս հողս երդոյ՝ յամենայն ազարակ տեղի», իսկ յաւանսն եօթն եօթն հողս երդոյ՝ ի ծառայութիւն սպասաւորութեան քահանայութեանն, նուէր պտղոյ Տեառն մատուցանէր»⁴⁹:

Փաւստոսը ևս հայտնում է. «Եւ հատ ևս յարքունիս Պապ թագաւոր զհող եկեղեցւոյն, զոր տունալ էր թագաւորին Տրդատայ առ մեծաւն Գրիգորիւ քահանայապետիւ ի սպաս պաշտաման եկեղեցւոյն ընդ ամենայն երկիրն Հայոց»⁵⁰:

Փաւստոսը դարձյալ պատմում է, որ երբ Խոսրով Կոտակի թագավորության ժամանակ բնաջինջ արվեցին Մանավադյանների և Որդունիների նախարարական տոհմերը, սրանց կալվածքները տրվեցին Աղբիանոսին և Բասենի եպիսկոպոսին⁵¹:

Հողատերականներին արված նվիրատվությունների, ինչպես նաև հեթանոսական տաճարների ինչքը քրիստոնեական եկեղեցուն ու նրա սպասավորներին անցնելու հետևանքով, արդեն IV դարի կեսերին անկասկի կերպով աճում էր եկեղեցապատկան հողատիրությունը՝ ի հաշիվ արքունի և աշխարհիկ հողատիրության: Այս հանգամանքն էլ պայմանավորեց աշխարհիկ և հողատիր հողատերերի՝ սոցիալական և քաղաքական լուրջ հետևանքներով հղի հակամարտությունը:

Արշակունի թագավորի իրավունքն էր նաև իր զերիշխանության տակ զտնվող երկրամասերում կառավարիչներ, ինչպես և արքունի պաշտոնյաներ նշանակելը: Այս հարցին վերաբերող ամենակարևոր աղբյուրը Խորենացու «Հայոց Պատմության» երկրորդ գրքի է և Ը զլուխներն են, որոնցում պատմվում է Վաղարշակի վարչական բարենորոգումների մասին. այս հարցին մենք կանդրադառնանք առանձին առիթով:

Արտաշեսյանների օրոք թագավորական իշխանությունը Հայաստանում եղել է ժառանգական, անցել հորից որդի. արքայի անզավակ մահանալու դեպքում դահը ժառանգել է նրա եղբայրը կամ ամենամերձավոր ազդականը: Գահակալման իրավունքը ժառանգական է եղել նաև հելլենիստական մյուս պետություններում: Այդ նույնը, սակայն, չի կարելի ասել Հայաստանում Արշակունիների թագավորության սկզբնական շրջանի մասին: Ծիշտ է, մեր մատենագիրների վկայությունների համաձայն հայկական դահը ժառանգաբար անցնում է հորից որդի, սակայն մեր պատմիչները (բացառելով Խորենացուն և Սեբեոսին) պատկերել են Հայաստանում Արշակունյաց թագավորության երկրորդ կեսը, այն էլ Պարսկաստանում Սասանյան հարստության հաստատումից հետո ընկած ժամանակահատվածը: Հայաստանում դահը ժառանգաբար հորից որդուն անցնելու հարցում վճռական նշանակություն է ունեցել Պարսկաստանում Արշակունիների տապալումը և Սասանյանների իշխանության զլուխ անցնելը:

Մինչև Տրդատի թագավորելը Հայաստանը պարթևների և Հռոմի միջև պայքարի մրցասպարեզ էր: Հռոմում պարթևների թեկնածու Տրդատի թագադրությամբ ասես յուրատեսակ պայման հաստատվեց երկու հակամարտ տերությունների միջև, ըստ որի ամեն անգամ, երբ Հայաստանի թագավորական դահը թափուր էր լինում, Պարթև Արշակունիների թագավորական տոհմից ներկայացվելու էր հռոմեական կայսրության ի հաստատություն հարմար ու ընդունելի թեկնածու⁵²: Տվյալ պայմաններում խոսք անգամ չի կարող լինել հայկական դահի ժառանգաբար հորից որդուն անցնելու մասին:

Նույն եղրակացության են հանդել նաև «Հայ ժողովրդի պատմության» բուհական դասագրքի հեղինակները, գրելով. «Չնայած Արշակունյաց դինաստիայի հաստատմանը, մինչև II դարի վերջը հայկական դահը ժառանգաբար չէր անցնում Հայաստանի Արշակունի թագավորների որդիներին: Հռանդակի դաշնագրի հիման վրա՝ յուրաքանչյուր թագավորի մահից հետո պարթև Արշակունիները հայկական դահի համար իրենց տոհմից առաջարկում էին նոր թեկնածու, որը կարող էր թագավորել հռոմեական կայսրության հավանությունը և հաստատությունը ստանալուց հետո միայն»⁵³:

Արշակունյաց Հայաստանում դահակալման ժառանգության կարգի վերաբերյալ նույն կարծիքին է նաև Ս. Նրեմյանը, գրելով, որ Խորենացու երկրորդ գրքի հ-հմ զլուխները նվիրված են

49 Աղաճանդեղոս, ԾԺԹ, էջ 436:

50 Փաւստոս Բուզանդ, Ե, լա:

51 Նույն տեղում, Գ, դ:

52 Հ. Հ. Մանանդյան, Քննական տեսություն..., հատ. Բ, մասն Ա, էջ 19:

53 «Հայ ժողովրդի պատմություն» (բուհական ձեռնարկ), հատ. 1, Երևան, 1963, էջ 249:

III դարի պատմական դիպքերի նկարագրությանը, երբ Մեծ Հայքի գահի վրա իրեն ժառանգական պահակալներ նոր էին հաստատվել հայ Արշակունիները⁵⁴։

Այս հարցը չի կարելի վերջնականապես լուծել, առանց հաստատապես վերականգնելու Հայաստանի քաղաքական պատմությունը տվյալ ժամանակահատվածում, մի բան, որ դժվար է սկզբնաղբյուրների արդի վիճակում։ Այդ ուղղությամբ ամենահաջող փորձը պիտի համարել Հ. Մանանդյանի «Քննական տեսություն հայ ժողովրդի պատմության»-ի հատորի համապատասխան հատվածները⁵⁵։ Հ. Մանանդյանի շարադրանքից հետևում է, որ Տրդատ I-ից մինչև II դարի վերջը Հայաստանում չէր կարող գահակալման ժառանգություն գոյություն ունեցած լինել։

Տրդատից հետո գահի վրա տեսնում ենք Արշակունի տոհմից Սանատրուկին (75—110 թթ.)։ Բայց նրա՝ Տրդատի որդին լինելու մասին ոչ մի տվյալ չունենք։ Սանատրուկին հաջորդում է պարթևական Բակուր II-ի որդի Աշխադարը (110—113 թթ.)։ Սա գահընկեց է արվում և պարսկական գահի վրա Բակուրին հաջորդած խոսքով թագավորը նրա փոխարին Հայոց թագավոր է կարգում Բակուրի մյուս որդուն՝ Պարթամասիրին (113—114 թթ.)։ Այնուհետև երեք տարի, Տրայանոս կայսեր արևելյան արշավանքի հետևանքով, Հայաստանը նվաճվում է հռոմեական լեգեոնների կողմից։ Տրայանոսի մահից հետո հայկական թագավորությունը վերականգնվում է և գահին բազմում է Սանատրուկի որդի Վաղարշը (117—140/3 թթ.)։ Վաղարշին հաջորդում է Հոռմի դրածո՝ սենատոր Սոհեմոսը, որը Եմեսայի իշխանական տոհմից էր և մոր գծով Արշակունի։ Սա թագավորել է երկու անգամ՝ 140/3—161 և 164—185 թթ., Հայաստանում ստանալով Տիգրան անունը։ Սոհեմոս-Տիգրանի երկու գահակալումների միջև ընկած 2—3 տարվա ժամանակահատվածում թագավորել է պարթևների դրածո Բակուրը։ Սոհեմոս-Տիգրանին հաջորդում է Վաղարշ II-ը (պարթևական Վաղարշ IV-ի Լղրա՞յրը), մինչև 216 թ., երբ հայկական գահի վրա տեսնում ենք Վաղարշի որդի խոսքով I-ին։ Այսուհետև Հայաստանում թագավորական իշխանությունը դառնում է ժառանգական, համարյա մինչև հայկական Արշակունյաց թագավորության վերացումը։

1962 թ. Գառնիում հայտնաբերված արամեերեն արձանագրության տվյալներից ևս կարելի է եզրակացնել, թե Արշակունյաց Հայաստանում թագավորական իշխանությունը դառնում է ժառանգական միայն II դ. վերջից, III դ. սկզբից հետո⁵⁶։ Հայաստանում Արշակունիների իշխանությունը ժառանգական դառնալուն մեծապես պիտի խանգարեր նաև այն, որ հենց Պարսկաստանում իրենց՝ պարթև Արշակունիների իշխանությունը ևս ժառանգաբար չի անցել, այլ թագավորն ամեն անգամ ընտրվել է տոհմի անդամների ի վից⁵⁷։

Այսուհանդերձ կարծիք է եղել, թե Տրդատ I-ի մահից հետո Հայաստանի գահը ժառանգաբար անցել է նրա որդիներին⁵⁸։ Այս կարծիքի սխալ լինելը ցույց է տվել Հ. Մանանդյանը⁵⁹։

Երկրորդ անգամ անդրադառնալով այդ հարցին, Հ. Մանանդյանը գրում է. «Ինչպես հայտնի է, Տրդատ Ա-ի և նրա հաջորդների ժամանակ Հայոց թագավորությունը չգառավ ժառանգական նրանց շառավիղների գծով։ Արշակունյաց հարստության հաստատումը Հայաստանում, այսինքն՝ նրանց թագավորումը որդեցորդի, ինչպես այդ մատնանշել է Գևորգ Ասլանը, սկսվել էր միմիայն II դարի վերջում, և հայ Արշակունիների դինաստիայի հիմնադիրն է Վաղարշ Բ-ը»⁶⁰։

Հ. Մանանդյանի վերջին դիտողության իմաստն այն է, որ Տրդատից մինչև Վաղարշ II-ը Հայաստանում թագավորած Արշակունիները դեռևս մնում էին պարթևներ, կապված պարսկական արքունիքի հետ. մինչդեռ Վաղարշից սկսած, հատկապես Պարսկաստանում իշխանությունը Սասանյաններին անցնելուց հետո, Հայաստանի Արշակունի թագավորները արդեն հայացել էին։

54 Ս. Ս. Երեմյան, Նախշ-ի-Ռուստեմի «Քաարա ի Զարդուշտ» հուշարձանի արձանագրությունների վկայությունները..., էջ 60։

55 Հ. Հ. Մանանդյան, Քննական տեսություն..., հատ. Բ, մասն Ա, էջ 19—62։

56 Տե՛ս А. Г. Периханян, Арамейская надпись из Гарни, «Պատմա-րանասիրական հանդես», 1964, № 3, էջ 125։

57 М. М. Дьяконов, Очерки истории древнего Ирана, М., 1961, էջ 195։

58 Հ. Գաթրճյան, Տիեզերական պատմություն, հատ. Բ, Վիեննա, 1852, էջ 152։ Ա. Մ. Գաբրիաշյան, Քննական պատմություն Հայոց, հատ. Ա, Թիֆլիս, 1895, էջ 253։

59 Հ. Հ. Մանանդյան, Քննական տեսություն..., հատ. Բ, մասն Ա, էջ 19։

60 Նույն տեղում, էջ 58։